



SAMOA

Faatulagaina o Aiaiga

- | | |
|------------------------------|--------------------------------------|
| 1. Igoa puupuu ma le amataga | 4. Vaitaimi o Suiga ma mea faasaoina |
| 2. Vave Soloia | |
| 3. Soloia Faasolosolo | |

1999, Nu. 6

O SE TULAFONO e faasolosolo malie ai ona soloia aiaiga o le Tulafono o Auala Faatosina mo Galuega tau Atiina ae ma le Uunaia o Oloa Auina atu i Fafu 1992/1993.

[25 Iuni 1999]

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono e Soloia ai le Tulafono o Auala Faatosina mo Galuega tau Atiina ae ma le Uunaia o Oloa Auina atu i Fafu ma e tatau ona faitauina faatasi ma avea ai o se vaega o le Tulafono o Auala Faatosina mo Galuega tau Atiina ae ma le Uunaia o Oloa Auina atu i Fafu 1992/1993 (o le "Tulafono autu").

2 *E Soloia ai le Tulafono o Auala Faatosina* 1999, Nu. 6
Mo Galuega tau Atiina ae ma le Unaia
o Oloa Auina atu i Fafo

(2) O lenei Tulafono o le a tatau ona amata faamamaluina i le aso o le a tuuina i ai le maliiega a le Ao o le Malo (o le “aso e amata ai”).

2. **Vave Soloia** – O Vaega ma Fuaiupu o le Tulafono autu e pei ona faamaotiina i totonu o le Faamatalaga ua soloia nei.

3. **Soloia Faasolosolo** – O fuaiupu uma o le Tulafono autu e le i faamaotiina i totonu o le Faamatalaga o le a avea e faapea ua soloia i luga o le faamutaina, e tusa ai ma le Tulafono autu po o ni tuutuuga o so o se poloaiga faamaonia na uluai tuuina atu i le aso na amata faamamaluina ai, o le aia mulimuli i se faamanuiaga na tuuina atu i galuega tau atiina ae i lalo o le Tulafono autu.

4. **Vaitaimi o Suiga ma mea faasaoina**-(1) So o se pule e mafai ona faatinoina e le Komiti Faatino i lalo o so o se fuaiupu e pei ona faasino i ai le fuaiupu 3 o lenei Tulafono, e mafai ona faatinoina e le Minisita o lo o gafa ma le Matagaluega o Fefaatauaiga, Pisinisi ma Alamanuia ina ua tuanai le aso na amata faamamalu ai le Tulafono seia oo i le soloiesega mulimuli o le Tulafono autu.

(2) O le soloia o le Tulafono autu o le a le aafia ai so o se moliaga, o lo o i ai i le taimi nei po o lo o faatalitali, mo se solitulafono faasaga i le Tulafono autu, po o se noatiaga i luga o se vaega o so o se galuega tau atiina ae e toe totogiina mai o so o se faamanuiaga e le i agavaa i ai e tusa ai ma le Tulafono.

FAAMATALAGA

VAEGA MA FUAIUPU UA SOLOIA

- Vaega II
- Fuaiupu 10 – 15 (atoa)